

vāder maghet gheborē biste mettē va  
der en mettē heylighē gheest in ee we  
liker ewicheyt. Amen. **Capitel.**

**A**ls eē wijnrācke droghe ic vru  
echt soeticheyt des rokes: ēde  
mijn bloemē warē vruchtē der eerē en  
de der eerlicheyt. God sy gheloest. **Ps.**  
God koesse ende vutuerkoesse. **R.** En  
de doetse wonen in sijn tabernakel.

**Canticum zacharie.**

**O**mbenedijt sy die heere god van  
israel want hū sijn volc gheuante  
ender verlost heeft. **E**nde hū heeft ons  
op gherecht den horen der salicheit in  
dauids sūns kints gheslachte. **A**ls hi  
ghesprokē heeft vutē mōde sijnre heyligher  
propheten: die van beghin der  
werelt ghe weest hebbē. **H**eyl vā o sē  
vianden: endevan alle der gheēre han  
den die ons hatē. **O**m te doē ontferm  
herticheyt met onsen vaderē en te ghe  
denckē sijnre heyligher loftenisse. **D**e  
eedt diē hū swoer tot abraham onsen  
vader dat hū o s hē seluē gheuē wilde.  
**O**p dat wi sonder anxt verlost vāden



Die priester  
der priesterē  
en oudre des



volcs rieden  
ihesu met be  
droge m. xxv



Der h. tot die qua  
dachē sy hem te  
doden. Gen. xviij.

Abalo vroech op  
gheslaē stont inde  
wegh. 4. Reg. xv.





zij boden iu-  
das .xx. selue  
re penninghe



ende voort an  
socht hi list o  
iesu. mat. xxvi



handen onser viāden hem dienen. **I**n  
heylicheyt en in rechtuerdicheit: voer  
hem al ons daghē. **E**nde du kint biste  
een ppheet des ouerstē ghehetē: wāt  
du sulste voergaen voer dat aensichte  
des heren te bereyde sijn weghē. **W**e  
gheue wijsheyt des heyls sijnē volck i  
verghiffenisse van haren sondē. **M**et  
ten binnenstē der ontfermhertichedē  
ons gods: daer mede heeft hij os ghe-  
uandēt die vuten hoghen opghegaen  
is. **O** heere inlichte den ghenen die sit-  
ten in duyfstermissen: ende in dē scheme  
des doots: te leyden onse voeten in dē  
wech des vreden. **G**lorie sy den vader  
ēde den sone: ende dē heylighē gheest.  
**A**lst was inden beghinne ende nu en  
altoes: en ewelic sonder eynde. Amen  
**Antiffen.** Oeersamighe ioncfrouwe  
gods moeder. iōcfrouwe ewighe ma-  
rie: du wordes werdich dē here der en-  
ghelen coninc te draghen: ēde hem te  
soghen eenighe ioncfrouwe: ic bidde  
di ghedēct oser: milde maget bid chri-  
stum voer os dat wi met dījnre hulpē



het esbeter dat hi  
vercoft zij den hif-  
mahelitē. g. xxxv.

Joseph was ghe-  
coft vā phutiphār  
Genesis. xxxix

